



人琴集序



余每讀魏文帝與吳質書敘昔日之
交游感數年之零落未嘗不失聲而
涕也其二云應劉陳徐一時俱逝言之
傷心又云撰其遺文都爲一集觀其
姓名已入鬼錄哀思痛惜音旨動人

悲夫人生共事良友實難中道見棄
可勝悼哉當其終日游處飲酒賦詩
忽然忘倦自謂斯樂可以長有又年
齒殷富材致日美多有贈答不甚愛
惜謂後當更進耳及至蘭摧玉折徽
音永絕家室貧窶妻子愚弱生平遺

稿零失殆盡卽以應徐諸子度其著
作豈僅存者又有文帝收集乃而傳
此何論他耶間者所遭不幸知交遐
遺家世藏書化爲酒鎔薰銷燼滅一
二年間都無名字矣能不悲哉吾友
爾斐賦有至性英儔彥士多所交好

比年以來輒有凋喪西州痛哭山陽
悲唸何時已也傷宿艸之已生悵脩
名之不永于是簡所藏笥更搜遺佚
人各得詩一卷手自點定號爲人琴
集悲夫如爾斐者可謂不負其友矣
朋友義喪近古已然文字相軋尤多

可慨寶月盜東陽柴郭之什幾成構
訟延清愛希夷花落之詠至于殺人
向秀託南華郭象竊以行世李賀有
遺本忌者推著溷中此等人旣負逝
者復闕靈文寧可復道耶漢武好相
如之賦旣死猶向妻子索其遺篇得

封禪一書嗟歎良久繇是觀之人有
文而死而其友爲傳諸不朽皆武帝
始之矣曹子植述丁敬禮作小文使
潤飾之曰後世誰相知定吾文者耶
三復斯言每用凜惕今諸子不專以
詩名卽詩不必盡佳而託爾斐以行

便足永世死而有知亦何所恨子敬
子敬人琴俱亡覽睹斯集實未亡也
抑余有悲矣余同里有孫子伯聚名
筆奎者幼負聖童之目長有腹笥之
號凡其所作十勝于予然以抱性褊
傲不肯示人人鮮知者自避亂以來

流竄江岸拮據自給窮餓以死妻子
轉適奇文絕響尋其一字了不可得
每念共事時不爲抄傳淡自悔恨冥
冥之中負此良友今睹斯集予益何
以爲心哉

龍眠弟秉鐙題

目次

譚友夏未刻詩

卜孟碩已未刻詩

閔裴村未刻詩

僧秋潭已未刻詩

潘大文未刻詩

劉墨仙已未刻詩

魏子聞未刻詩

序友夏

今之言詩者皆曰竟陵門戶倒矣香煙舊矣浮薄之子異喙同聲卽向所抑首師事者亦復翻然迴矛詈詈交彪夫詩之爲道等於夙生之業讚嘆之因自必結爲謗毀之果亦何足道余所歎惟今所爲崇之壇玷上者實不過瑯琊濟南之唾餘耳則夫芳草中原天涯吾黨等句其門戶豈不更倒香烟豈不更舊耶送入楚者必舉

江漢樓臺非是不稱雄渾也送游秦者必舉關
河明月非是不稱典麗也贈清河之裔必擬欒
雲逢龍門之胄將言司馬鄙情瑣見奉爲鐵券
金章而往劫慧根畢世埋沒良可痛矣世間做
鬼攻擊所餘骨髮已朽飲以丹藥理無再生卽
如文章一途陳隋滯響縱燕許猶未脫然逮乎
昌黎廊清始偉踵昌黎之後者或爲皮日休陸
龜蒙之輕清或爲歐陽永叔蘇子瞻之浩瀚

未追躡差足頡頏若欲操徐庾之戈攻韓柳之
壘豈不悖哉 明興之詩高何以下大都爲琢
辭敦格之業嘉隆七子式廓前緒海內靡然同
風觀其顧盼瓌瑋葩藻斐然亦一時之傑構然
極其才致不過爲宋人爲宋人之陸放翁佳亦
止矣鍾譚一出海內始知性靈二字如頌麗人
者詠其結帶延佇恨滿斜陽不云矚首蛾眉倭
璫織縠如游佳山水者言其杳冥汨沒幽妙闕

冲不云重嶺垂霞迭泉霏雪亦足開千古之勝
胸資萬人之目福矣但鍾詩餐幽吐秀出手迅
疾似姑射仙子嫌其骨節之太輕譚詩獵異窮
窳樸少靈多顛衣白山人恨其眼舌之都慧今
不能以醞薄歸醇縫兩公之闕而反以句雕字
砌并拚七子之光同心之臭既刪已祧之主不
食若之何取龍蛻以祈桑野之霖飾象人而薦
高唐之枕哉夫言詩者諱言嘉隆而遠稱漢魏

也猶言古文者耻言學空同弇州而驕語遷罔
也襲優孟之衣冠談叔敖之祖德送娣而步飛
燕懷人而拾兼葭格非不宜意頗可醜余鮮聞
眇識少讀譚詩愛其高潔卽中有未降擬就正
而決焉吳山楚水久恨參辰迨丙子肩襮入都
謂必得望見則友夏已先數日歿于旅店矣孤
琴未冷山鬼獨謠念其風流不勝掩苒絕涸之
痛大約名成之後技亦稍減然挾其精光目中

寧有餘子乎其遺集一刻楚中一刻江右而江南流傳絕少余廣爲搜購付之梓人併書所見以質識者張元長先生云文之拔萃者忘言領衆者多暇夫貶盡聲價豈損夜光縱有褒詭默然而可又安用煩海島以太牢毒爰居於鐘鼓哉

鑿菴湯題

鵠灣遺稿

俱未刻

竟陵譚元春著

鶴湖錢繼章定

猛虎行

猛虎食人不擇醜好毒刺猛虎不避疆暴虎急
山溪坐張口人拔刺虎稽首

公無渡河爲張子作

公無渡河河不可家十里流水一里走沙

解一公

無渡河舊鬼瞰川沈溺得代飢竈曝灘解二公無

渡河水賊張羅彼富也估笑涉風波解三昨日一

金今日隕身公是貧士得金天噴解四旅人身單

墮水衣單星漢炤地不炤驚湍解五

忽忽促促行

忽忽促促中心環互明月在天炤我狐兔憑高

望遠北山窅暮不戶而野蟋蟀鳴誤我頻茲郊

凄神孔固晚稍未香裝棉出袖曰予先人敬夕

如晝天亦祚止自北龍赴塋師獲之龍懼失措

泯泯諸孫省躬無怒今夕不寐秋逃籬瘦斗酒

沃腸狂淚決雷忽忽促促月落入墓促促忽忽

鴈飽鳴透蒼天蒼天不如地厚嗟爾地下孰無

親舊

彼檀四章禮檀溪晉栢也

彼檀也溪匪晉伊漢栢則有幹我瞻斯栢亦匪

晉矣人曰晉矣載瞻載顧亦孔之固

彼檀也溪霜雪又又栢則有偶我瞻斯栢亦匪栢矣人曰栢矣再顧再瞻亦孔之巖

溪旣涸矣我馬作矣彼雙栢兮垂瓔珞矣匪瓔珞也維栢綽綽也

溪旣平矣我馬升矣彼雙栢兮屹如石矣匪石也維栢力力也

瑟八章送弟亮姪籟之高苑也

瑟瑟江流載之寒輶倚我落木視女遠遊

遠亦何之有令在東琴長邑短爲王租庸庸則靡逋咎則靡獄高人之子矜寡攸告往告仕者彈丸易理克繫爾足以蘊萬里我有師友官彼東方昔誨蒸蒸慨獨難忘塘有曾樓步有濶舟往告仕者居人忘憂十月地震牖鳴牀側東方如何我心隕石將家者誰少弟長子上慎無荒東人瞻止

讀學語贊

文以情緯理以趣蓄瑣見蕪意不如空腹煌煌
聖言如日初旭漢宋汲汲欲爲燈燭我傷其綴
與其局曲寧不有窺非道所宿敬讀學語以盥
心目無高冠相籬落不逐影光四射諷高韻獨
所尤欽者增人間矚存軸於懷不驚雅俗致則
歸一經可穿六妙義一陳駢詞波屬何其天然
大巧由熟是在先生散朗所觸我愛其詩風湧
泉縮

到京寓故人于司直七丈園

三千里行役篝火雞鳴作兄弟三人行自顧如
車脚望見長安門解裝是一樂裝過我友居僮
穉爭相攬下馬飲君酒顛倒話離索倦卽眠君
牀讀卽啓君鑰人物紛眼前安得不淵漠當軒
汲井華曉分天壇勺春艸是故相春風吹卽覺
我愛斯人風藤柵嬾未縛

新野弔馬仲良

宛洛空平野天寒客店微雞聲聞喔喔馬首記
依依在時能秉燭行樂敢言非

夢李朱實

夢君畏君別攬抱不相棄小開平生眼窺我曉
間淚夢醒淚相牽角枕無乾地肝腸能幾投情
親畏機智君亡我亦閒省却城中字收淚厭雞
鳴努力圖重寐知君愛友心安忍過憔悴

其二

強奪汝萊衣銜悲入地底大傷斯人心造物失
孝理何以瞑君目餘風感妻子無語冷執手哀
緒颯藥藥梵聲執西塔菟返湖燈起

秋夜作示李仲含

秋雨與秋風唱和作悲涼昔我少年日不能使
心傷凜冬猶未至燈火初在旁有酒浸潤之菟
蒐掠中腸蛩鴈消長際如客孤難忘桑麻滯人
行江海鬱荒荒

其二

涼風有委曲先從簾櫳折焚香禮秋陰桐雨不
可褻讀易森在眼自然薄莊列蠶語天地內寒
衣與切切半日留前除安知爐尚熱

其三

哀思與樂殊來驚至人天端居如不動此懷諒
勉然念我同產仲帶兩埋秋煙迭送到山岡能
不哀艸眠吾猶及燈影學易卜筵筭

送余小星之廬陵時同坐劉士雲汎閣作

我適到南昌子則去廬陵各自離其家欲留俱
不能毫素祇自弄非爲索知音春艸引令出晴
雨歷幽襟且還把我手時一捉子衿步閒適何
在上已宜水汀行行過劉子小閣戶未扃其下
兩後塘其上多柳陰劉子不揖客歡然如郊垆
自囊筆墨來來向髹几增舉頭見隣園野水共
冥冥鶴步踏岸綠斜日飛鳥深斗酒動鄉思豈

無榭與亭筍迸荷復錢安能久滯淫頗愛君此
行不諱安飽心廡下着竒士春汲驚百靈丈夫
養葵闕焉敢輕黃金昨有廬陵宰朗懷如春燈
訪我章江上與語薄飛騰歐陽本所部旁羅南
豐曾其意良未已急友懷淵冰子其往實之春
帆六日舲

古詩三首送弟服膺

一喜竟三冬借問喜何長喜見弟乘車黥無炤
路光腰下當有綬肘間當有章觀者不知心視
以爲輝煌德義充汝用未字先嚴粧爲學事未
已况乃百責將腰下誰無綬肘間誰無章

其二

天念我姜被遲汝官數月几案補三冬言笑覆
屢雪臨當燕行時不敢愛林樾構閣爲兄居分
架爲兄閱無限負米懷聲淚蔭松栢天寒集子
姪閉在堂西折書聲鳴喑喑技成區以別教養

子弟心往爲蒸黎竭

待太虛師不至留詩五首

南客三春思西江萬里船及師弧矢辰花我桃李
李天舟檝一以遲空復到堂前

其二

堂上鶴髮翁鰥居三十載堂下子弟賢相與美
萊綵師嘗告天子臣也有親在

其三

停停復企企風水乖夙願日愛蕪園中西山人
圖券豈無江南夢歸魂爲師勸

其四

秋屏閣外山章江門裏水風物旣艷艷人士兼
萃止但得師遠歸茲遊豈不偉

其五

莫春左蠡壯席挂不能待濯足雲嵐中五老攻
予息登堂思君子下堂思江海

李朱實亡後爲其尊公八十壽

茲觴良獨稀八十人天重斗酒爲翁熟秣秋此
初貢健身愛閒書不覺深卮送頰顏慰我情兼
可報幽夢納履而接杖皆如子弟供萊子雖已
遠衣綵人猶衆賢婦時滌灑家學月絃誦孝謹
如深睢我友在時種一柯有爛時殘局仍未動
山松大十圍誰能劖作棟我髮素垂領穉子憐
雛鳳他日看女孫相期倒秋甕

過隆中坐小虹橋作

山田米可舂石隙雲可耕維下好吟者不知梁
父聲士元相還往琅琅過此生諒非纓寇日管
樂高其情如何一世上傳得龍鳳名結友不藉
擘山居未可寧人生怕知己少食以經營嗟嗟
野泉側秋蟲時一鳴

坐萬山頂石上作

我上萬山巔先愛萬山石星辰相墜倚似與光

人琴 卷一
同擲盃盃視漢水煙嵐此窟宅澄潭不改低是
物如有力交甫佩離離二碑聲莫莫求之兩不
在沙禽出瘦栢

壬申十月二十三日離襄至漣泗洪栖止

屈氏二仲宅留別相送諸友嬾友蓋指
同年曾更魯也揚袂行者則姬人剪剪

焉

南郊相送者乃在習池間猶有上舟人壺觴如

初閒疾疾飛籃輿汎汎雜朱顏籃輿本非期嬾
友今出關朱顏揚初行亦非素所歡篙纜與同
心歌笑別萬山晚舟到鄢野弟子迎門闌冬序
陽和小薄言遊以盤龍窩石起舞待我細沙班
數蹇踏鏗鏗斧響驚龍鸞百夫輦入舟不覺歸
人單我友拜我石謝謝君當還

正月十六日籟兒讌集遙祝高苑弟四句

生辰并懷德清六弟因兩寄之

人琴 卷一
十
同生幾兄弟半爲官所驅誦讀有今日將復怨
誰與強仕名若美人生受其愚不幸官九列幾
得覩眉鬚居者守故轍仕者不覺殊真心發別
離焉能忍斯須可見榮名場其毒如螭蛆東齊
歇戎馬西吳辦租儲兩令有賢聲不如家軒渠
清吏本無求徒使遠懷拘所幸水火日蒸黎一
分舒努力事軍國足以救殫廬愷悌聞人說家
園資歡娛忍使有用物匿之爲我需殘臘過空
宅紅梅香徐徐今日姪庭上梅花高覆閨人影
缺昔時方知各有圖向衰重暇豫胡爲理公車
高築方塘土以爲竒石居心舌澣水木鼻眼吹
芙蓉人生老有法勿爲褊且迂善矣吾近狀八
行寫不如

送李公受明府艱歸輓封公兼送四郎

烏鳥痛春深鸞凰戢其翅天平苟爲民君子何
憂瘁襄樊戶百萬南北顏茲地寸人悃幅心不

同末時吏村村我熟遊父老語多備治縣出家
譜豈問碑上字父高南村學隆中迎不至居家
越布風但索甘泉寄機雲一門中天心非濃睡
我交第四孫竒書寧澹志雞斯發江漢賴有珠
玉侍予心告兩漿岸花莫相避

癸酉春夏間又於朱花閣旁構一小堂顏
曰花時在家堂同黃以實閒居述贈以
實

朱花遶塘上其閣名朱花榴火然我谷菡萏香
我涯妙情善栽物四序相次差桃杏不足言梅
薇爭爲霞雜岸生楓葉天意有補加遂得朱花
名碧素竊所嘉自抱梧竹懷斯心安敢遐今年
家居久嘗如猿守瓜巖與芒屨誓遊則斷汝麻
開落總關心旁無一物譁袒跣探鶴糧披衣伺
蘭芽水早柴門內綠疇明窓紗東籬無其濶蔣
生嘲吾奢何以致君來孤居媒嘆嗟詩書不隔

八
琴
卷一
眼老嬾戀深華所在有軒牖主客互相家深更
林際燈日午竹間茶隘哉此兩人客斷意色誇
會面兩人稀溪橋有蔽遮

李道生未識面寄陽羨舟中見夢詩

雪事與晴光兩年精氣貫村鼓聲未絕銀花續
爛爛夜得千里書書到梅香亂寄書嘗不值值
此王正半遊子有歸候果在年光換異哉陽羨
舟遠夢赴客岸幾度書未真一夕夢已斷江曉
發孤吟心懸楚天且嗤彼識面者茫茫醉中散

姚長虞出寶鏡見贈

姚氏有藏鏡天陰潤沃沃土德發輝怪蝕繡感
朱綠出土六十秋久識人眉目先秦略雕鏤如
獲逸文讀鏡陰儼金鋪菱花媚亦辱肯令近玉
臺拜賦以自勗

送范叟歸白門

片帆來楚江楚誦達千里楚江西復西緣願非

今始入幕成親舊到門乾鵲喜經聲出短垣血
猶透經帟苦行吾輩難二業在所徙朋好爭來
觀黃鶯啼堦圯旣非雞黍客林筍是月美鶯亦
有時老筍亦有時止送歸何處歸寄語秦淮水

答陳羲升令君

寇盜怯水國葭葦承清昊下澤過里閭有時徒
步好鄉人不相避揖我策州州見此頗自忻無
官恣潦倒又有竹下舟溝水曲如島書聲代權

歌午眠溪風小走謁終歲無曾蒙官長惱何意
風期高車馬含文藻駐駐問小灣未嗔逢迎少
仰首見堂名已知耽枯槁布衣禮無次巾幘儼
未掃髣間霜信繁自祝或壽考笑彼名貴人雖
貴不至老我有架上書補閱送昏曉讀罷有餘
味不騁少時巧富於袁伯安健於衛叔寶凡事
貴率爾營營卽不了邦君因借問匡濟應深討
子齒猶未也君平棄差早再拜謝邦君流螢亦

皎皎世人爭上書敝廬私自保

陳雲怡學使自豫章貽書徵其先公傳傳

成題贈

一揖有知已何用羨相於高文輕浮綺大道重
專愚褐夫自有玉采采克所須帖恩寫遙函仁
孝累雙魚有道碑易古中郎寧愧諸庭際續傳
燈豈岐禪與儒白馬東吳練白鹿西江書我慕
斯人風春風吹衣裾

三洲蔬圃同陳大士萬茂先起先徐巨源

集喻仲廷京孟父子齋中賦

今日春陰日三洲適所投雨垂不能下群綠光
悠悠我友窓戶深蔚蔚對中洲愛茲城中人日
在涯際浮木末參差屋復爲烟所稠澹蕩晝夜
交汀火初眠鷗我念織屨翁圃事亦兼修謀生
良匪難聊以資優游

答熊伯甘

後園枕下街前街蔭廣塘之子懷中古圖書托
一方決明生松隙艸石相青蒼笙竽豈不喧歷
徑自幽涼子非是中人聊與子徬徨先與猿雀
言勿復執行藏天地亦多事回幹有微彰啼鳥
過筵端飛飛去龍光龍光一以偉沙際寒劍鉞
前夕雨聲深坐論何其長

陳雲怡督學相聞投詩爲贈

素不識章水此來孤鶩熟芳菲徧湖堂我思含

幽綠藻鏡日高懸氣志相膏沐西江才俊鄉
渟自公復欲得數偉人徃救戎馬辱忠孝不可
窒難用自潔足

悲胡子用涉

生無高天力死無厚土恩鬼伯安得取自徃泉
路奔其形如猿鶴其心如深村愿俗隔萬重天
趣瞪目敦子雖今春沒久久不可論

其二

家遠三百里矧予方遊燕窮山絕命時猶艸寄
予牋乘棹寒河下邀月鶴樓邊雖非兒女語壯
志已如遷可怪竹與木拙拙發哀絃

其三

文字死時收婚嫁死時訂愚者百年事聊用斯
須盡曠懷不可再流俗嗟吾命

答汪武昌西源

來徃三十載如家杯與樊杯湖車入野樊流舟

到門溪鳥我素識溪人我素敦况有賢邑宰職
氓誼則昆城外雲氣滿若與琴心屯天下戎飢
日徵輸亂心竟杜甫與元結此憂如相分我來
石魚睡灌以酒一樽剝啄不驚友安問官長闌
初涼棹素秋吾亦尋江村

同李師遊遺愛寺尋艸堂遺跡師出山錢

授僧修公復之欲嘗居其中

日問艸堂者不識艸堂地柯亦未憂雲瀑亦未

瀉砌蒙茸翳片石兼惑臺沼位茗田僧所家指
此界峰寺堂之卽香山何用發虛喟茆茨貴眼
見來路竹光翠

十年行答夏四雲

十年不見老爾才好遊結友心徘徊賦海賦江
大手劈注艸注蟲幽情哀我但得意在蒿萊寶
刀秃缺歇風雷竹閣淥溪遶梅檻鳥聲開君今
欲來安得來睜眼要作管樂事取賢時世自崔
嵬自崔嵬可不朽十年心事欲白首

江北桃源行送君路

湖南桃源花覆津江北桃源浪溈人淮海鬻城
成蜂房缺岸開衙長吏忙長吏欲嗔嗔何家鞭
撻瘦男如自撾舊徑無主新徭急吏捧巖牒空
堂立是時海內大征租鯨蠃怒與椽胥呼前年
一令拙罷官今年一令賢脫冠天子召用曲江
名挺然應者楚龔生龔生家貧骨支天大叫宮

人琴 卷一
闕抗疏前但得有燭炤逃徙小臣養母仍孟水
我壯君行強君酒江北桃源花亦有

寄答吳永錫庶嘗自用堂聯作起句

老與詩書敦宿好家在園林無世情堂上戲益
淵明語書報京華非爲名喜君思理究幽蹟堵
墻觀者聲噴噴忽擁千金得夷光安知陶朱卽
少伯永錫名天胤後改名禎廿載聲光不我增感君相賞
自秣陵院歸有燭藜生火尚憶艸堂挑殘燈

劉士雲園亭醉歌

世人爲園丘整假竒人爲園中懷寫愛茲佳卉
成古木主人坐我月明下垂楊拂水冰符開芳
艸上堦堦有苔吾家煙月遍林廬春光隨身千
里來此夜歌細簫亦緩能飲不飲觴各滿

龐居洞歌

槿籬秋風驅遊子首尋鹿門賀屐齒龐公亦是
家室人幽洞寒燈炤秋水恩愛隊中炯自明古

田平沙白雲生紛紛剃染出家兒反向團圞禮
磬聲本爲此山深不識後人踏破空山色細竹
安榴新種得榴掛檐竹覆徑鹿門山水曷龐姓
一洞苔滿兩洞荒君不話禪禪已竟

秋遊襄樊喜以實同爾章在此約入山水

間作歌

黃子新上人讀書峴山下襄州百里外始是魯
郎舍我采風物良友并白雲紅藥長聲價三年
不見任差池一見拱手無報謝客燈但炤驚人
字尊酒但恠多病夜是秋煖煖學春夏野鷹可
呼驢可跨高流相與閒山水焉不暇君不見大
堤老女兒年久不思嫁

冬初由習家池尋谷隱寺

可醉可坐憶舊池種魚千頭水如陂羨爾醉人
不似官亦未嗔喝攔街兒誰謂酒吏非上治馬
前突返初古時此風一謝但杯斝瓮池環亭風

越寡我欲開池數畝寬池邊釣女日來觀好飲
不飲無足道如我數子今亦歡黃冠帶霜獻瓜
剖翠袖煎泉點菊食十月三日客將歸山影入
黃成紅瀾但愛銅鞮名不問冠蓋字提壺來往
里西東肩輿再上道安寺

入海

山陰道上秋冬際萬木中有松亭亭霜欺雨浸
不能老一枝遙與報國青毋在燕京翁在越袍

芻翟弗暎堦庭我聞高士貧不諱羸歷肝腸如
劍星人海超然大布衣生憎市魁與銅腥有子
今爲龍門史惟司馬談堪翁比啣命新從襄陽
還襄陽耆舊冠蓋里翁曰冠蓋不足言鹿門眷
屬吾所喜

過西塞山先寄唐梅臣時以江防駐節勦
陽

西塞江上霜薄飛西風吹水水渡微身附畫舫

心孤遠片片櫺啟對釣扉釣徒漫叟交無神自
有迴軒易舫人

其二

泛泛浮浮江上客因浮思家泛思宅生不得志
賀優游笑與煙霜謀空碧欲渡未渡隔溪呼誰
知我者唐大夫

其三

石巖綠短楓林瘦防江使者詩清透簔翁手持
一竿揖峴首春山訂親舊人生羈栖良自難嘗
得依君意卽歡

寄朱公

西林詩卷風格瘦題名佛手待苔舊喜見老梅
絲抽條得句徃徃書公後泉淙淙石瑟瑟一日
踏空冥千夜夢蓋屋旣出復入羨身閒遺却水
口恨終日寫我懷寄君歌南浦可徃奈歸何秋
溪彭蠡朔風多

答林觀曾

清憲嗜茶通茶理歲致英茗道其美遠分韻友
不獻君一洒前丁後蔡恥 正骨茶渺茫佳
僭採寄罌復光羶甌腥鼎非我事夏林開甕臍
水香感君擊鼓助雷動擊甕不飲數前夢茶信
猶在閩山外包裹封題誰爲送

選張白湖集訖答示劉天孫

百年白湖翁今朝開生面昔人手無力在人眼
光變炯炯電光司興廢高名雄才化冰霰玕琦
眼篋中詩其餘唐選總未知春山肥艷秋山瘦
汝當從此悟深奇

答徐元歎

天下作令者吾弟差近古大開冰霜門高士窺
空甕天下結交人無如亡友深能從浮濁世取
人一片心亡友但記生公石尋君魂迷盡溪碧
君欲歸吳且莫歸武源縣令音咫尺止騶覓君

舟把火安君席明日題書報家人茶香酒沸纔
一夕我有江帆年年許樵風不便頻誤汝天遣
吾弟結相於炤見平居家庭語恩深讐大雞鳴
朝學道十載恨未消儻就雲水他年約退谷家
傍雙挂瓢

爲誕先題所藏劉鳳鳴萬竿烟雨圖

不知劉氏有竹技名曰鳳鳴得竹意萬竿烟雨
一烟雨橫斜濃淡皆生氣孟子有樓號積烟烟
霏雨潤領高致

視服膺弟武源衙齋十日別去

案牘晨先辦閉門兄在茲盤餐仍楚物山嶽自
童時薄雨遠林葉新泉堂縣池獨餘鐺底飯惘
惘各相持

過桃源坐龔昔庵棠舫題贈其上

瘳色更絃後心閒淮水濱岸分初火處河喜未
冰身鼓響來沙鶉書聲背吏人東遊逢米賤灘

爨不愁貧

喜笈籍兩兒同冠

櫛掠經吾手巾衫到汝身聽天一野老見客兩
成人世可卑躬涉家當細務親時危思閉戶恃
此護幽真

真次兒籍先婚

色觴雖漸漸茗椀已紛紛穉子聞先設孿兒影
暫分望孫吾暮景娛父汝新文孝愛非難事階

庭自小聞

里人饒登之過訪年七十三矣因贈

衰齒有初訪深留頗致恭自思成野老肯復忽
貧蹤果落橋邊客谿留暝際鐘能來機盡息已
似住高峰

又到五弟正則高苑縣署喜作

視弟迂千里經冬見兩衙小城尤近古貧宦總
如家雪覆飢人麥泉奔孝婦茶夜闌思子姪瑣

細話天涯

二

病身驚復見群盜喜粗安隨分食微祿添喪失
舊寒道途吾歲暮僕妾爾更闌莫厭邨村僻人
生值此難

高苑距霑化二百里寄酒器候座師李雲
許先生因以呈懷

驅車夫子路步步念吾師白髮生茅店青州寄
酒卮蒸嘗年暮事雨雪計偕時此後漁簑客之
春杖不疑

鍾居易復還皂市

林屋猶難就寒河去此人携家餐筍罷遠害人
松辰婦性多懷土兒書頗失隣莫如君伯子相
傍約終身

秋日承三昧律師見過因入邑西塔寺說
戒有感將赴北請送以二詩昧公曾在

金陵寶塔禮懺求見塔光光現旬有五

日

末法承相過頑夫知病由五臺迎隔歲三溘泊
兼秋杖響生人信衣傳看孰優長干光十日塔
影不能收

其二

蒼苔經滑處敢作昔林園端坐瓶相習同餐鉢
未喧北方多古學西塔有微恩迷路生崎阻昔

師憫念存

荅仲平病暑志喜

自背吟囊至君當藥裹停懷思秋欲滿酬唱戶
猶扇碧嶂時娛卧黃花不怪醒國人爭望出豈
獨客心寧

從峴石登頂復取道甘泉寺

踏葉來看石三休坐進途風高南北脊煙點郢
鄢圍漢水明山缺吟聲接鴈孤一筇支數嶺身

幸在虛無

其二

若少登臨事峴山空自高初冬來尚可昨日黎
徒勞鍾鼓驅雲岫仙凡暱漢臯屐歸深悵結猶
願與泉遭

懷遠韻弟

失意斷家書栖栖一載餘忘婦疑汝懦作客似
兄疎湖只依明聖州仍歷交徐寒梅霜數樹忍
不念園居

得金正希書寄贈

食祿未經時何從血灑墀終朝商表餌靜夜悟
希夷習膽空山險冥懷史館竒十年良友別幾
可作吾師

奉澧州華陽王札子

蘭茁一枝枝香風過浦吹來從青澗曲分與綠
華滋錦瑟嫌人撥牙籤揀客披我聞函谷作感

慨贈丁儀

金魚池雪中誕先宴集

雪光無不好天意潔長安塵土眼中盡衣冠馬
上難鄉心牽早綠旅醜慶春寒拍拍朱魚出爭
投餅餌乾

徐元歎自古鄣附周彝仲寄書京師得盡

讀新詩懷答二首

舛屢乖吳市柴門選回溪教予清夢迥亦過菘

香西僻有僧知處閒無鳥亂啼芳菲驅使賤覓
句只端倪

其二

山伴昨相見眉顙非世情鄰家能若此獨處想
孤清報佛燈無恙懷恩淚不平暗將鬚髮理遙
與共霜莖

送王六瑞給事謫江右

波瀾此一謫我愛獨殊嘗是夢驚初醒如秋喜

乍涼廬高吟到頂楚稔酒盈航許爾遷稱客君
恩不瘁鄉

再贈六瑞

昨逢京國老頗有念君人劍佩趨張膽兵戈入
挺身蕭然宜暫出靜矣自徐伸笑上扁舟去之
官似隱淪

燕歸夏惟正九丈見過

道心淵可畏情話別尤欣亦覺年相遠深期老
作群詠觴燈與鉢婚嫁水兼雲請看吾衣化塵
多不可云

送盧富陽

漢家新詔切吏本是民師何處絃堂好君子釣
瀨宜折腰官有分疆項世先知入郡資風格湖
頭夜汎奇

遠韻弟施慙僕與雪公有詩和之

夜春僧盡力春牧主同心壞色知嘗有葷腥本

未溪鋤存原上艸漑致圃邊陰昨向而師說休
教梵字侵

待僧碧公

僧能山久住自有望僧心亂帙煩相理溪堂怯
獨深病多飢是藥懶甚卧方吟非汝蕭蕭瓦偏
舟可易尋

重九省視仲弟櫬畢同居易仲含雪公師
弟塔閣飲月下作

老秋藏皎月歌細最心驚山只登時霽蔬能摘
後生此宵僧梵歇何戶艸虫盈斗酒吾衰相微
酣白露行

朱禹卿溪柳居同彭汝嘉萬茂先陳士業
共尋溪柳居柳下讀何書門戶漢中壘詩家朱
慶餘架藤多骨立盤蕨亦拳如飲罷猶凭檻驚
心月出初

送蘓武子客維揚

雨細邗江路春深章水船別予堪此地知汝自
今年養母須身出消譏貴道堅莫將才格好艸
艸入芳妍

答李仲章示楚遊舊詩

周衰小雅後楚有繼風時可敬維桑梓難鋤是
葑蕀蒼梧遙送抱紫蓋傲相持十載予未答誇
君左蠡竒

夜靜閱茂先詩

一宵不相見讀盡數年詩細得窮遊止嘗如共
歲時燈疎何肯暗僧卧與同遲昨上灌城望風
鳴松樹枝

賣貂帽

自厭看山影頭顱似貴人此時燈市踊昨夜酒
貲貧遼陷徒驚物天寒欲鍊身賜貂空有詔憂
國是樵巾

賣書

八琴 卷一
難割爲丹鉛傷心反減錢較虛劉向夜曬任郝
隆天並失窮愁物微留把玩篇笑君真是癖明
日購竒編

十四夜汪明府招上江樓

高樓一片月停却萬家燈歌急催光滿杯深待
閩增胡牀臨皎皎更鼓聽層層此醉千年後何
人更許能

中秋南湖誕先招汎

吳世誰呼夜清光受侮多湖明他縣水洲改昨
宵波漸涸人排苻新涼釣益蓑幽情仍不盡留
閩與寒河

秋日移寓胡五去飛葛莊

上舟縈七里已是好山家稻晚天私雨松涼地
出霞穉川方以外漫叟水之涯寄謝城中月秋
深此處加

見美中詩有同遠韻西湖冬夜作憶而和

之

段橋好霜月意愜昔年看不似春湖雜能添暮
剝寒題中欣見弟天末但求安良友多時返吾
知獨住難

有贈

且安名小日斜戶竹簾身青艸知羅襪黃梅暱
練巾最憐人骨傲可愛汝家貧坐覺愁懷徙吟
聲是早春

居易蒼艇

匆匆收茗竈且自盪舡開鷗鳥真相好山僧不
斷來早霜紅葉里明月白家杯師表吾河上扁
舟願取裁

移樹

怕教春氣覺入眼兩株時帶土鋤珍重登舟棹
陸離閣虛餘地待窗想暮天吹不少花兼柳才
當遜此奇

贈點雪五十

自得吾巷住名山亦不行
席敷林廡濶杖撥菜
芽生支許克朋舊河橋
失送迎白頭僧却好莫
似在家驚

龍沙寺同陳大士萬茂先朱子強劉士雲
陳士業萬起先

誰使平沙立周遭繚作墻
古蛟聲嘿嘿野鶴影
荒荒徙去終依寺吹來不礙塘
我同遙集士疑
信到斜陽

壬申春月山東登州兵變米民和明府致
五弟高苑平安信餉酒相樂喜作

得友荀香滿慰予姜被寒魯人三遂備吾弟
方安山水行真好城池事頗難旌陽神炯炯
賊敢波瀾

雨夜同戴初士宿嗣昭園

試聽今宵雨西山數日雲
籃輿依竹住羅襪上

苔蘚坐雜歡無主
檐喧語半聞
春遊猶未遂
寒尚怯匡君

過鍾居易松林作

十載野無事
萬松高過頭
難哉君自植
得使地多幽
未寺陰先合
爲亭翠便收
吾園榆柳盛
微恨土膏柔

歸舟贈山侶李仲含

到鮮人投刺
行非自裹糧
閒遊羞汝快
幽路與僧商
巖險時更屐
泉寒夜并牀
歸來秋未盡
汀畔漚麻香

龔尹達見予
此生除閉戶
卽往杖遙岑
之句寫作一圖
題十詩其上
見懷遙答一首

十字十回吟
多君長苦心
月吹泉外鳥
烟夢盡中岑
傍宅空相密
挑燈無此溪
山還真閉戶

受知音

柴棗橋寄劉同人白門

久客近生子爲官先著書此時賓客集何處世
情疎君到石門未吾經栗里初烟深封隘口猶
未見兵車

兩泊寒溪懷去飛西塞舟中

以予溪泊久知汝水居難抱膝消前浪科頭
乍寒量江絲可守埋市餅誰看得與君同
呼風雨安

八弟歸因憶四弟客中

斗酒雖堪醉寒江尚有人牽思仍悒悒散步已
頻頻園蓋不知雪堦條自蓄春何從窺老態西
塞外無津

甲戌除夕雷雨守歲明朝五十矣

嚴親無此壽曰艾亦欣遭春醖趨眉黛晨鐘到
鬢毛朴兼農父野懶有昔人高梅蓋安時節春
雷亦早勞

九峰與誕先復寓乙卯讀書處

當時同學者來此覓秋燈書似前生事庵添后
輩僧早餘泉滯艸烟底塔穿藤廿載吟聲老峰
峰遲健登

贈劉德徵

兩載能三訪幽居可自寬牧漁交不揖今古事
同看愛爾翻書確慙予強記難舊堂新薤艸欲
使客魂安

送吳慎復旃還越

泊舟頻遇友君至是何如史筆襄陽志鄉心越
絕書杯觴存磊落冠蓋重蕭疎霜信前途報江
楓紅正初

過西塞舟趣諸子

秀動金陵悅合歡去此邦雲光催鴈侶山色炤
人雙煖滯香栖幔晴隨畫到窓前帆良友隔語
笑別爲艤

自蘄陽歸至鄂別德微

徃徃同君出因君是故人茲來求燕婉只合共
更淳酒價知飄泊香粧晒苦辛歸家予較遠幸
不至孤身

黃可遠太史典試得六弟元禮因有晤贈
懸兩星眸炤楚疆天高燭朗夜皇皇三年策問
推任昉一段橋碑愛蔡襄因友知君深夢寐得
師教弟荷穹蒼總聞棘撤吾帆挂秋蟹秋鱸漢
水長

從王六瑞甌香亭子汎湖船過宿西塔

友閒秋注一床糟野艇禪燈任所遭露滿梧桐
鬢自急水空葭菼鴈方高微涼布衲猶堪借熟
寐鐘聲不可逃末日愛登亭上望肯同車馬作
勞勞

六瑞子陵寺不歸問之

去漸浚浚各駭然久知生事向高烟遠闡山磬

資徒步閒取僧裝試兩肩大道須防心有恙好
懷休記客曾遷重來訪我爲長策遶竹溝塍已
盡穿

倪航夏居四首

擬將何物易車輪門有烟波受舫新糧帶僮奴
分八口茗甯賓戚莫三人穿簾細雨吟聲濕炤
席微曦野態真喚作倪航吾不忝雲林盡可日
隨身

其二

嬾捲爐香與帙書已移涼榻此中居偶容僧入
壺方可未許官登第亦除鶯滿全村時繫柳獨
迎近岼夜知廬試教明月人間炤何處身閒得
我如

其三

豈惟菱藕與蒹葭種植多年有百花老樹壽藤
譚子里斜風細雨忘和家帆投遠影尋佳泊鼓

得前灣守舊搥素愛湖南兼雪上倦歸方解選
幽涯

其四

自然栖止老荒原舫是吾家家是園嫌鶴開籠
嘗報客看魚出網正携樽野風幽暮花前听新
月虛凉水數村總在香山門內好粟倉書庫并
堪存

李本寧先生卹奠詩

一生官盡典文章老掌客臺少史場傳得竒才
驚內苑宐收大集進今皇士携金去驕韓愈客
散門前負孟嘗只覺自天題處厚種松多是北
枝長

入彭蠡

北渚晨趨積氣薰地天茫昧得山分大孤塔表
層層日五老峰飛濕濕雲我到澤連江漢水誰
言量減洞庭君舟人坐待風消長半世虛誇櫂

樂勤

滕王閣是日見招者文士二十人

序手紛紛動渚關可知文事古猶難霞添鶯影
人人句晴發簾光歲歲山閣是重營嗟向背筵
從再徙試忙間感予黃鶴樓中至玉筵携來美
此間

萬茂先見懷詩是十年前作感和之

一生真有十年思贈我都非見後詩久在天涯
慙碩果得談前代卽孫枝筐看快士初傾口榻
想良朋未下時退盡名心猶感此此懷仙佛亦
難移

漢口還驛傳吳興閔非臺公借舫

汗汗秋冬漫漫遊使君知我有閒愁樵青忽上
顏公舫李白嘗酣賀老樓數月裝安江上水兩
鄉人靜峴山頭西歸隔渚書相報風過爐香鴈
不收

弟擬陶遊淮上作詩寄之

作兄功罪頗難辭季亦耽遊好作詩聽說江南
知久羨嘗親硯北自優爲遠人爭道林高筍識
者翻嫌藕出池新在燕還吾正嬾封毫閣屐只
餘癡

送美中

得因兒女過冬晴孤舶窳村見不輕道力兼能
發我短天心久未向君明茶香醉裏衰無相雷

電春前亂作聲蘄米軟炊泉到戶卜隣終恐是

要盟

漳源感事

不爲娉婷信屢愆孰甘江口守空船媒勞轉自
同心有價重非徒一笑然媿送寶釵無古物應
携石硯樂他年漳山月朗宜難寐不及高朋取
醉眠

劉襄陽呈唐子安郡伯

古路青鞵本不疑
主人淹雅久銜思
歡如對宇
求新友靜擁專城理
舊詩好月出門桐
正影佳
辰值客菊先知高
懷去去資津逮
南郭寧甘隱
几疲

九月十七十八日以先父母雙忌再入檀

溪請沙門無着誦經齋宿藏經樓日對
晉栢和子安太守韻

漢水明樓樓透岑
悲來兀兀只思吟
多年栢帶
松杉色秋日烟兼
雨雪心子有雙親
堪配此我
依諸佛獨嗟今天
人命在堦前見久
矣枝頭斷
鳥音

寄李太虛座師

大筆琅琅觸物宜
拙詩句句有人傳
世間師友
盡如此眼底兒曹
無可憐
霜下二毛彫
艸木秋
飢八口儉菱蓮
南畦北郭成何事
不見章門近
四年

鸚鵡洲邊送袁特丘六丈司李淮上兼寄

龔君路

淮東鷁首高於屋帆過芳洲去作官飯不依人
恩素少棠如可坐法當寬朝廷珍重遲鈴索朋
友峻嶒愧釣竿寄語桃源辛苦吏楚天烟艇養
子安

送程從之南還兼寄其從祖敬敷

只見習池吾縱酒怪將愚叅善藏身輕裝且近
深林鶴野屋相知隔歲人未落梅時歸不晚多
留竹處晤如頻君家與可年來別爲道高懷又
值春

童平寓亡後其子胤命從婦翁黃以實讀
書吾園賀其初冠

白髮生頭不怨遲坐中多雜故人兒分君竹室
涼三夏謝客花塘靜一時忍執丹鉛方類父遠
經鄉縣但依師三加古禮何須問好記寒河是

寇期

答郁仲開明府

家弟正則甲子出公門丁

真成越絕絕人姿書到嘗如夢見之路愛沅湘
能作客緣慳軼轍不同師文章力屈五丁險履
烏光飛二■奇君處東風無日伎高花弱柳孰
先吹

長安會朱無易先生

快見何知滾滾塵蒼顏看定反驚神新筇恨似
添三峽舊節曾叨問小津獨處兵戈仍盛世多
方水火恥閒身公來執玉吾羔鴈遲拙同成老
計人

九月十七十八兩日爲先忌禮佛雷山孟
萬生設齋而誕先曦侯德徵濟甫皆同
宿山中感賦

禮嚴先忌感終身雨細風酸度兩辰漸老彌傷
親去久分悲始覺友來真空山榭葉紛紛淚半

夜鐘聲切切因遊子松楸隨處是檀溪晉栢記
昏晨

寄潘昭度中丞

昨上廬峰遙騁望高牙大纛有淵人贛中蘭好
嘗貽友江外魚肥易饌親地靜陳琳無一艸書
迪陸羽自前因霜鴻度郢艱難到爲道驚心入
釣綸

淮上逢劉同人

送客留人此未知是君是我卽難離友非騷雅
休持蟹身有碁功不廢絲客舫溪燈青泛泛淮
流始雪白時時四方征戰慎行李路已行迷不
但岐

與元歎遇武源官舍因憶亡友伯敬

夢魂堪訝此初逢十載艱難看老筇親領吟聲
知好句叨分道念抗塵容溪流沸火寒三鼓雨
雪深樹隱一峰亡友眼光猶掛樹自然相待虎

丘鐘

甲子六月六日七枝菴馬是隱招同熊于
侯傳陵九陳無名徐公穆看荷花

幽士如開士一香生衆香誰將巫峽意來助水
夫光灣欲銷全夏沂疑居故鄉遠甘塵拂拂新
赴氣滄滄客靜無書曝僧衰與簞涼閒心終一
口物表受微茫

茅孝若社集馬仲良請君子見送同賦六

韻

菊香存漠漠芳艸失萋萋佳事總成緒離心屢
見倪神形杯酒向行止鴉聲嘶窓外秋冬換卷
中冰雪携笑殘隨客去燈靜入霜低自厭嘗情
有猶然戀故棲

贈徐微體翁七十

落落諸生舊蕭蕭漁父群寧甘穠野老最耻號
徵君笑對侏儒雨愛看弘景雲孟嘗貧不儉伯

業老猶勤僻事窮，季少細書當夜分。
俗謠趨問禮公輔，揖談文畏者吾先子。
簡兮人共聞，七旬中世態高士復何云。

龍泉展胡文定康侯先生祠墓

客將分袂日，疋馬出春城。
好墓空山受靈泉，細雨爭松高祠下。
合艸短帶邊生物，物妍千古燈燈續。
一經壁如魯宮響，磬與宋煙鳴。
人地俱堪戀歸時，怯獨行。

袁述之重葺梔浪湖祀先吏部公寄題九

韻

君今新結宇，惋惜亦多年。
土木當貧日，聲名未貴前。
不堪殘岍柳，忍負小灣蓮。
煙月先人物，吟觴後代緣。
猶陳林下噐，漸放步間船。
門到岳陽水，帆通夢澤天。
亭空思遠客，祠古配群賢。
衆論拘弓冶，孤懷瀌豆籩。
廻環神理內，相與問綿綿。

答夏四雲裕州寄懷

宛洛雖遊戲聲光此一瓊爲師添帳樂作客夢
溪烟雅事崇臯比卑官狹木天接書霜昨夜開
戶蘚經年艸艸鴉頭襪低低鷓首船住村真有
策不敢盡遙傳

不見菊翁十年漁泛失晤遂復差池偶遇

東粵遊人寫此寄憶

恨少青城訪嘗懷白兆時如何數里路不遂十
年思肥瘦奴邊問光輝札裏知書開鴻卽遠酒
醒鷓焉之散局非全子安巢是舊枝君情如蘚
冷我况尚萍遲細字牀頭易高聲驢背詩沒犁
春雨足多是返畬苗

送孟誕先守騰越

萬里遊真壯惟君志氣堪此行休悵遠相送但
微酣庾月知同炤燕臺本不慚家恩懸闕北國
運重滇南持汝文翁化何憂異類愁江深應息
浪嶺盡尚飛嵐忠敬蠻如一威名世已三

誕先三世

友夏

皆官庭清書出篋部順劍歸函龍友豈離馬繭
此地翁猶似蚕有盟耕退谷未老勸抽簪

夕佳樓茂先起先邀士雲武子同坐

肯忘幽獨意寂寂上茲樓山色平飛鳥江風怒
靜鷗茗芽新退火硯瀋自臨流友愛似君好高
懷從古愁餘香釵偶借殘咏衲多收所悵春深
客旬時南浦舟

謝巖李公受明府招

渺默絃中思茲巖領獨長蘿猶青石厂楓已紫
山房峭峭分叅壁微微引徑篁輕鴻過野火小
犬吠新霜飲不從山簡清如對謝莊大堤堤上
散衣袂是何香

癸酉客司直園中同劉子同人除夕守歲

十二韻

不似今宵客帝城翻因友聚晤燕京深燈炤我
三年別殘牽資人萬里行繇越經齊兄弟路在

園扃戶笑談聲香簾益火藏佳事墨瀆無水慰
好更叨預制科同物覩徃惟頒曆奉王正人
安中土霑微福地近園丘動風誠未具衣冠思
虎拜爲離鄉縣怯鷄鳴靜然吟想酬存沒遽只
年光設送迎穉子學文應戲減新姬解事定筵
成家和可不長安憶賊遠將無小膽驚竹木如
嘗吾老伴猶梁粗脩世虛名問予何事仍車馬
和視無言斗酒傾

庚戌除夕家園守歲雷雨大作十二韻

今皇八載罷京闈我有園廬亦喜歸寇盜經年
纏晉楚風雷八臘兆寒飢可憐出位匡無策縱
欲移家去孰依衰始恒河將見皺傲來山嶽不
知非春仲望岱
山傲來峯楊條惹眼青青長梅蕊窺鬚白
白微五柳門前休責子四禪天上偶携如小蠻
可遣旋開閣織女當迎正弄機有放姬
納姬事所愧忘
親曾閱少那堪念舊應劉希嗟嗟友逝心猶許

燁燁君恩願已違

二親初以元方汶上贈文林郎孺人

西塞烟深

貪鯁飽北都雲滿厭鴻飛
老來萱艸能腰笛
春至桃花莫掩扉
遍語諸公吾艾矣
肯將勞辱累芳菲

題襄陽主人壁

峴烟迎我來
壕月送人去
好記此軒中
吟聲嘗達曙

慷慨詩贈魏溟一襄陽往返十絕

風雪許人行
銅鞮千里白
回頭語妻子
汝自過

除夕

其二

人知漢臯樂
君知漢臯苦
一裘脫送君
裘敝不遑補

其三

武昌大艸舸
爛熳婦人睡
微怪此人醒
不知急何事

其五

不待朱亥往不令季心知
儒冠與短袒混作襄陽兒

其八

結交冰雪心莫爲春鶯誤
勝冷鹿門人無資於舊故

其九

我有漢臯佩佩之兼報客
小婦喜君來村粧弄

肴核

其十

君去嘉平月君歸上元夕
上元仍未歸燈兩良朋宅

題內人畫寄去飛

寒河亭上樹寫寄葛山人
遠遠葛山影片帆天際春

龔尹達寄妙老堂圖適家姬
慨悟盡早林

因題句贈之

春風吹不着春氣綠溪林櫻笠頭 見高人一
杖心

脫氈半背送誕先車中

老朋身上衣脫與滇南着好護溪春寒予心萬
里托

重過九峰禪堂

烟光無可戀戀着逐年增一飯不回首吾輸且

過僧

閱代來詩

君有白雲懷看看詩思發山中無匠石愁使秋
蘭伐

留別寒碧

公車天正寒欲得閒僧伴沙霧壞人多緇衣不
可換

送僧秋水還黃巖

高踞黃巖看瀑身峰危徑亥亂煙屯此山盤豆
兼吳楚可羨私耽一壑人

病坐九江舟中望山四首

數日舩頭載岫閒賞妍千變豈空還白雲真是
多情物生滿匡家兄弟山

其二

九竒峰但望雲開三疊泉從白處猜慚愧雨中
茶筓意山僧擔擔下山來

其三

雨留高屐入林艱亦耻歸心故作閒白石清泉
難誑語此來真不爲廬山

其四

二林門向未曾知已許僧題五乳碑欲問廬山
何日到樂天新集寫成時

城北亭夜紀事

木梁牛屋各車音傍漢濱行農事浚兩岍鼓金

鳴到曉喜予歸未老秧鉞

寒溪別德微還鄂

拉君同問洪厓嶺許我惟觀菩薩泉引到空山
聞滴滴已收江氣上林烟

同濟甫天孫舟宿龍蟠磯

賴共深更惜別觴中流亂石近舟涼鐘聲依水
不依岬微許孤吟與短長

寄懷于司直

簾啓茶聲猶自沸怪君何事出幽居經旬一喚
天街馬走遍皇城覓異書

送四弟遠韻赴湘潭

百丈春風甚自由是兄遊處卽思遊晴來憶爾
瀟湘雨雨外昭山晴上樓

雪後同張惟遠圍行

雪着千林作眼光徑通橋斷各深蒼須臾引遍
初來客誰許寒江勝野塘

冬夜同遠韻作

寒鴻響上踈踈閣野月光穿瘦瘦枝對客擎茶
涼一盞無端想遍十年時

八弟亮徙宅西偏作

種爾魚成適共溪飯吾牛去亦同畦此生安得
隣相傍弟任居東又任西

龔君路燕還怪予貌黑戲答之

林西堰北日千巡保有鰲顏護野身錯信風塵
總化色閉車多少暫肥人

王明甫出貢受賀孫以是日試週

朱旗灼灼舊衡門是日先生笑美孫一具碎盤
千種望首拈毛穎合堂喧

八月十七日亮弟席上

主客紛紛但一流李家新酒白如秋感予親逝
總稱老歡汝茅齋不廢愁

生日示四弟

數日前逢弟四旬請君休問我生辰短轅新賣
能漆舫過盡漁家卽老人

答倪任先見嘲

天驟涼時各凍鴉翻將半臂爲姬加老來顏厚
無多事秋鏡前頭染髣華

荀侄數侍吾飲書與之

老愛兒曹羽翮成翻將正色悟浮情少年膽薄
嘗逃去喜汝頻來好笑聲

送詹卓爾諭蘄上

孝廉年少傳浣川自有南宮乙卷傳君竟陵人
殊不屑澹然桑苧去嘗泉

托卓爾訪黃美中山居

頗聞黃子住無隣百畝圍山泉遶身藏汝冠裳
應得見相尋且說是漁人

索王天樂隴州鸚鵡

罷試歸來汝謫歸湖上渺渺有閒扉隴州官好

無人說要與言禽問是非

送四弟六弟秋試

秋塲鬼亦知雙璧茅屋天先逸長兄只可數年
酬俗債老來俱要聚柴荆

諸弟省試五弟亦附舟入鄂戲示

兩度鄉塲無汝分獨隨江火食秋鱸一兄一弟
文章伯看買麻鞋意爽然

偕正則服膺兩弟公車答別遠韵擬陶兩

弟

種竹開堂似結鄰到今車馬始駢駢縱教羅網
重重設尚有題詩贈別人

出都數日鳥聲甚稀

都人幻舌囀千塲沙搗宮鶯學得詳

于上齋中
聽人鳥語

何意行來春樹裏鳥聲啼不到漁陽

雨中鄭州

油壁車中望綠阡喜無塵土亦無烟麥光柳色

微添雨翻似江南薄霽天

呂堰雨

河南河北風塵燥此地春寒塵不驚楚色青青
楚雨細孟家詩思接樊城

贈坊金閣雪公

有引

雪公菴居義河上一年戊辰冬元春於先丘
古白龍寺建坊金閣資祖父母冥福其地向
河環山山光翠濕時有北僧麤滯汎滯不任

春亦適貧乏告諸佛嚮義河菴助閣費雪公

蔬圃花架及鄰舍緇俗因緣相得以春延請

和篤遂欣然來爲吾閣主其眷屬海若寂初

彬彬然皆質有其文焉栖素從予兄弟遊猶

往來巾車棹舟間雪公累足不出山家遠韻

有慙僕牧馬終日視馬嚙艸忘倦不知飯腹

繩終日執於手不知謝去遠韻曰此真雪公

薪水物也舉爲贈慙僕亦喜佐衆沙門辛勤

山中山地荒固鋤鍾爲命井畫畦畷雨灌交
青桐亦初有陰陰弄秀閣上雪公益焚埽淡
棲小園二十里而近數月不聞錫聲忽有便
舩乘興叩欵值予午眠童子報雪公至予夢
中答曰且坐待予起起視之童子又曰適出
戶屣履及戶外則雪公寄聲曰舟甚便吾且
返山中予悵然書其所以而綴之以絕句

園扉乍欵不留身覓爾瓶筇何處津莫怪乘舟
輕越陌此宵仍是在山人

出吳江城同徐元嘆遠韻弟登周安期小
閣望太湖吳門諸山

垂虹遠隔洞庭間昨日長橋空往還野閣無多
三郡出老人晴杖指湖山

君路署中贈熊子牙

我慕明王馳冀北君因好友客淮東異人本是
霜天物夜仗微酣美吏窮

爲于慧男題醉美人圖

鬢髮微搖眼倦開
輕衫委委似傾來
憐他戶小非深飲
鸚鵡杯乾總一杯

上馬出永定門往五弟高苑

高文暗寫入深簾
且散春晴與酒帘
最喜到京無贈句
達官懷袖不曾沾

與馮宗之故人快聚都門

白門歡後此幽燕
爛爛雙瞳光勝前
塲人少年

翻不讓與君休數訂交年

甲戌春再客司直園中
同人在焉而兩家弟去爲令

添得奇人好共扉
疎林尚覺影猶稀
兩人交語星光下
只可名成一揖歸

塲前與楊維斗陳卧子夏彞仲吳來之邨

舍同巷

還刺都城見面虛
朝昏數子隔墻居
漢時文物

今差勝談到天人各伸舒

過舊滄州有鐵獅子丈餘獨立田間腹中
曾捕得十八賊聞其鐵入火卽飛故爲
冶人所棄

鐵光深黯炤荒丘城郭俱移一物留盛世金銅
無淚眼狡狴知守舊滄州

汝州秦京七十有四矣寄書都門且作詩
云舟車若到必嚴冬路入山原幸未衝

一騎亂流趨北磧數椽寒雨在西峰指
示居止而予取道山東殊愧詩人之約
詩人老去念依依約訪西峰與北磯不過汝南
無信徃黃鷄啄黍半年肥

別高苑

任非當日東西屋隱可吾鄉大小林狄水商山
來兩度此生原有仲連心

長白

李深梨淺與紅爭閒眼看來花自明長白山長
東到海一車蒼翠過鄒平

雪中觀歷城洑突泉

聯水無端向上萌氣蒸飛雪濟南晴竒流甃作
方塘物微損荒荒出世情

汴梁逢任澹公父子同行

父子携文共至京春深把琰大梁城孤懷素不
隨人熱噫噫何從得五聲

聞流寇破當陽

夢中擾擾念春閨故里何人識鼓鼙聞說顯陵
旗集誰傳賊過玉泉西

汴梁遇鄉人作

婦人盼望意難寬鄉使搖鞭說寇殘但道楚無
秦晉厄不須重問到家安

馬上

傳呼馬上盛冠紳尺絹無緣單是人淹却鬚眉

應不惜恐教雙眼亦生塵

朱仙鎮謁岳祠

功在朱仙謗亦因奸蒐的的作胡塵煩公努力
看今代懼虜人非憂虜人

山花紅甚

紅盡山腰無隙處老夫真有搆園才轉將市馬
入山徑藏得春光鳥語開

出隆中宿廣德寺

相暗茅添又一時輕泉細雨月牙池空山處處
生烟火猶似黃頭午正炊

送筍侄就贅浹川

冠婚千里事攀登依婦翁居清似冰自書聲
今已滿溪山猶有未歸燈

歸舟有贈

長夏親書證道歌清齋下鑰事無他半生擇偶
天垂念嫁得詩人楚路多

其二

添香侍女識爐烟
爐放金光字鏤宣
宣廟五年宮裏物
喜他同日上歸船

重入九峰寺

三百年前遺物在
二十年後老僧居
高皇卷軸深宮祔
留與遊人想國初

有寄

李家十二選幽香
曾話金陵子甚詳
欲識今生緣恰恰
兩人秋月各空牀

孟萬生邀上江閣
重尋蘓公石上字
時爲

秋漲所沒

喜弄江光鄰野煙
昔人心手摠蒼淵
題名石上無多字
隱在波濤動半年

同去飛八月十三夜泊蒿墩

日過南湖愛此洲
月光邀我泊輕舟
教停兩漿任風往
吹到松間作好秋

進船掛口有憶

好防霜到護芙蓉幾月幽憂寶曆除傳說多愁
思轉切擬開青鏡待眉舒

停船津源有憶

津山影炤是斬春漸近香風欲見人夏簟秋燈
俱負却楚江孤客半年身

其二

忘却經年桃葉夢復乘三篋木蘭舟竹溪花塢

吾家有已囑蕭郎莫好遊

懷耿克勵

孝廉舩裏藏高士兵燹叢中有瑞人爭向松鱗
堂上羨五經何日不紛綸

其二

章江碑湧有人傳五百餘家小耿賢我愛君心

殊澹素須知拔宅亦蕭然

五百餘家拔宅楚黃小耿受記皆江西奉

新縣水湧出一碑上語

子藥住園中題其坐處

竹間新雀尾初長
榴火光中雨滴塘
多向漢橋添小屋
遠僧來便鎖閒房

爲劉魚仲作四十詩

悠悠獻策意難宜
竒服竒書老未傳
渴想中興悲憤極
羨君小我十多年

令陳公過園門投詩而去

夜來新雨發蘭芽
門有荀香過野花
自世高人

作官長不教桑苧自煎茶

寄二西廬山

西林仗汝塔層層
我到涼秋欲曉登
一日泉聲尋入夜
喚雛先點石門燈

山中有憶

全山皓月倒鑪峰
小閣留輝知幾重
炤過綺窗斜上几
愁人夜夜罵秋蛩

其二

空堦捉搦好閒談
悞却朝朝書一函
我過潯陽門盡開
臨行囑寫褚河南

宋明之畫浩然句中盤嶺入雲多
題贈胡五去飛

霞上逢君煙外呼
入山騎虎出山驢
寒溪雲少難容汝
贈汝平田盤嶺圖

同寒碧柳菴夏日懷真公

雨散蓮房珠粒粒
月搖溪塔玉層層
兩人分取仍難拾
坐聽新蟬念老僧

葛山逢馮書先假還

衣冠覲毋舊山中
遇我停車路一終
秋入葛山涼未徹
南湖湖畔釣絲風

李單文山行詠予烟嵐此窟宅之句作畫
相寄答之以當題畫

偶畫予詩筆已遐將
詩答畫意何加雲嵐頗有
山人性歸到巖泉似趨家

初八匡山寄別于司直

有人知我入匡廬約訪茆齋事已虛絕頂秋寒
思北道五峰忙寫送行書

其二

欲持廬岳好晴嵐寄汝香山澗底叅吳越遍遊
歸自急退之原不樂江南

九竒匡雲西林一如開先秋水送予出九

江

行近山窗嵐始開虎宵鹿晝各無猜土人驚問
予何客盡致高僧踏瀑來

初入西林

猶與江湖稱沃土已如星宿近高天廬山過此
無閒路野客行來見去泉

冬夜坐寒碧小房

月真明處郊難凍鶴欲鳴時夜已長客久在家
愁易起一河春水去何方

其二

加棉罷火鷄聲細待月休燈鴈影遲雪事告消
春尚遠且挑塘土待梅移

漢口逢道恒因憶山中

入山不覺身千仞喜入平田廣野行遙指小巷
無數點細遊仙日仗君成

喜篤姪婚

篋聲策策雪融時及爾春冰泮尚遲子侄能文

婚又尅自來霜不悞人髭

羅彥白自光化來郡就晤於習池贈之

一穗容易作閒尋值我來行山水溪留得一池
堪醉汝葛疆猶似不同心

鹿門寺泉

積艸懸蘿響可求峨眉水作鹿門秋燈公我相
原消盡何不飛泉出院流

出京咏報國寺松

儘他姿幹布奇蹤三百年來誰與封不是此株
真怪絕寺中何樹不虬龍

飲黃嶺雲秋思軒

秋陰淡泊入山遲野艸平窗香出籬架上書多
多舊帙始知秋夜默經時

鸚鵡舟泛

西塞山漁浮可家此灣黃鶴且停槎鴈知江晚
微留響蘆爲洲秋亂作花

榜下詩

恥如曹鄴太傷神造物奇懷未許嗔漁獵聊充
三百五詩人放去咏殘春

報國寺中別五六弟

榜無甲乙兩馳驅送我松邊着汝奇分與官家
深悵悵家園是汝暫來時

同德徵看月福持園

月將堦滿復園通好友遲眠醉頗同筭到燕行

惟數日始驚廳事早梅紅

喜鍾五徙宅吾里

嘗願子光爲近舍最宜龐老帶全家道人兼有
林廬韻巖護西園近手花

報國寺留別諸友

喜得先還林屋身一尊酒熱緩車塵諸君莫道
松邊散猶是生平聚首辰

答于司直

暗拔髭鬚白不成近來忘鑷出霜莖良朋不信
予懷澗疑有新愁數日生

序孟碩

孟碩家松陵去余家不百里而近恨未獲一見
不獲一見而齒之曰友者誣也然讀其詩知其
人其人負郊島之窮愁其詩則兼高岑之森秀
知其人爲郊島詩爲高岑而第以不獲一見不
敢齒之曰友者亦誣也引虎賁者集遙賞于中
卽扈江籬兮揖英蒐于湘水士各有知島容默
試孟碩遺集爲木公所梓余更蒐其未備者黜

陟之友道所存不敢濫也所恨孟碩墓籜未殞
木公朝露已晞海內才彥寧有幾人雙玉並萎
奈何桓笛

鑿菴湯題

石林西墅遺稿

松陵卜舜年著

鶴湖錢繼章定

古樂府

戰城南

戰城南秋草丹
髑髏作灰飛上山
飛上山望城北
遶不得髑髏無
淚空相憶

有所思

寒月炤紙窓朔風涼茅茨中腸攪遠客慘戚無人知銀缸焰焰灼珠淚雙雙垂

地驅樂歌

君乎不來高門夜開望望不見眼酸腸迴出門入門天閹民卧君擁如花嚴霜凍我凍我凍我君乎不知木刀蠟剪難剪亂絲絲長不可收絲亂不可治熊膽下喉自苦自知

篋篋引

天原裂地維谷風改天顏片丹等枯蚌疊浪猶活山強如君子心平陸興波瀾

陌上桑

柔柔枝禿柔枝蚕房無風土蚕眠便有絲出西
苗過東苗來徃桑樹間何日得箱絲紅盡時綠
滿時桑樹匪開花朵朵只爲絲竹植籬槿植籬
爲蚕不可留食棄莫作絲開茹茨掩茹茨蜘蛛
在戶外腹中亦有絲楊柳呀蘆荻灘池底白藕

人琴 卷二
絲成絹理自難桑采旣采又苗千絲與萬絲弄
梭冀成匹

子夜歌

雪月交佐輝爾我各函苦里長不止百夜長不
止五與爾期於此夜深不見爾清露浸衣裳猶
勝橋下水獨背銀缸坐雙腕拄半顛魑地拊髀
嘆阿姆猜不猜

記得無人處郎來就儂嬉早知今隔絕自悔故

推辭拭鏡對儂顏儂顏見憔悴車輪轉腹中寫
下四行淚

華山畿

啼相盼淚如幽谷水滴滴無人見

安東平

夜抱郎宿兩體無界枕不需長被不需大夢中
失郎哀皇無任寒雞唱回意落身廩

嬌女詩

八琴 卷二
娘跨黃驄馬渭橋春日遲筆花爛名園墨潘芬
清池來時輕雲墮去後明霞虧

青驄魚子

求寐不寐夜如何銅街已曉馬鈴過夕陽官街
馬駸駸有鴈孤飛銜怨淚雙淚佐得長江水從
昔而今流不止月到羅幃明皓體郎遊今夜宿
誰氏今宵心事懸天涯愁聞秦吹如胡笳

讀曲歌

倚欄日絲絲高柳拂儂面不聞郎叩門但聞鶯
百轉

西湖懷古

油壁車來蘇小爲士林家有鶴千載能語林家
有鶴丁家有鶴兩鶴對起語向寥廓我欲南瞻
越王臺敞勾踐已亡鷓鴣亦往北有武穆南有
忠肅我師我師仰止高木昔賈平章聽政巖巖
何弗此阿結木棉庵

春日支硎山

肇跡支硎攀嶠旣冢薄日柔風高眉健踵百卉
春蒸群巒畫拱林清獸仁石仄泉勇狂尋列仙
景物慙慙

秋夜寄玉女

秋虫叫夜涼颺入房朱顏隔天白月在床殘荷
卸沼敗蕉覆墻豈無綠尊獨醉不長豈無清謳
孤喉不揚俟子移玉良宵共嘗

贈張寄生俠

隱娘旣往紅線又生寶劍在壁太平不鳴春風
晝揚落花滿堂玳筵玉尊以燕穆王秋江素湍
入君素絃游魚在前飛鴻在天清曉焚香道經
自檢銜書者來青鳥一點

秋晚同友生投宿墅寺

寒葦走秋聲古寺受雲夕潮落迴沙嘴月高明
殿脊啟關者老僧艤櫂之遠客被墅禾稻黃中

庭柿子赤宵清不可夢共子譚殊劇禪榻佛燈
前與居有餘適

村居晨起

寒檠留夜火啾啾雀滿簷被衣送殘夢四顧幃
幃幃啟窓瞻曉氣湖山失群尖霧露凜我硯墨
瀋鮮相添沽酒壯窮膽高楊飄早帘

秋村卽事

稻花香墅堂楓葉鮮清滸年豐霜露勻稚子樂
風土當街鬪秋虫阿翁坐中戶薄寒還薄醉晚
炊烟數縷翁慵亦早眠無夢從城府

其二

刈豆沿北畦采菱向南浦阿翁唱歌回枯槎盪
輕櫓樹深鳴絡緯樹外縣網罟舉酒坐前簷孫
眠枕翁股叢祠散秋社村隱蓼蓼鼓

慰陳安甫

燕雀皆弟兄霜雪安鬚眉乾坤濶未了何處卓

吾雖鼻祖解灌園園廢今誰主君若輕楚幣盍
起鋤縣圃

樂公輅楚歸

樂大泐沱潛歸欣對尊酒紅檠開晚花綠椀斬
春韭看面真在夢陳懷未能口君行萬里遐况
值三年久習沼短筇探巫山高屐走臥龍有雲
乎瞞鬼生燐否濶步返家園高吟來甕牖故吾
仍一貧養毋無五斗將着犢鼻禪共君學屠狗

山居

曉日來山牖道人起蓬頭誅蟲等群小放鶴如
身游解衲縣松枝松花隨風流赤臂握松根茯
苓下可求山中無稻梁鼓腹亦焉憂

端陽後一日泊越來溪懷寄

去年今日逃黃溪古菴風雨朝淒淒共卿磕膝
話愁苦雲樹烟蘿鳥亂啼今年今日我仍我我
病卿病無一可我泊越溪卿臥家湖南湖北思

無涯丈夫狂蕩天之下知已暗憐鄉黨罵李廣
暮行尉怒訶淮陰曉出兒爭跨欲哭欲歌難問
心風風雨雨天無枕安能學死化蹤迹雙鶴飲
啄秋山深

題石湖朱髯翁小像

清風起脩髯丹霞貼兩腮石湖若明鏡爰炤先
生來人叩先生何處來一杖方從五岳回下視
五岳五培塿真神直與鴻蒙友晞余髮于扶桑
駕吾足于北斗嬉娛塵世心未孩短褐蕭蕭只
老叟合中有劍圓如丸百道精光未可觀夜深
風雨劍偷走向曉歸來合中吼

贈姪婿湯將軍

昨夜五星攢北斗朝來印繫將軍肘我家嬌客
氣如虹勇略不數湯國公外家兵書從幼習久
矣江東無老熊三吳不比九人鎮人民宴樂皆
高枕左薄大海右太湖內寇外倭相應呼時虞

寇窟狡于兔更虞倭帆開似鳧 至尊拊髀懋
簡爾愛爾裘帶閒且都白面依然儒者象赤心
自與常人殊艸檄擊賊無不可懸得江門太平
鎖

夜上秦駐山

秦鹿當年至郊壇山外開山風搜木去海月滌
濤來藥老僊無跡鞭枯石有堆天涯小男女精
爽夜飛回

秋日上吳山有懷

入秣山尚暑履迥氣彌蓊松檜引山路藤蘿開
寺門挂霞千嶂赤飛雨半江昏之子杳難卽馮
高更斷魂

雪日江行

楊子浪如屋孤槎不受群曠招萬里客低壓一
天雲江漢此來合岷嶓何處分遙聞洞庭樂王
毋降湘君

立春江行

非有求天地晨興逆旅中雪開平野白日吐大江紅野店饔餐苟江帆吳楚通試身聊作客到處領春風

秋日山行

高風洗游氣反磴引危梁艸木梢梢勁山川路路香秋踈鞅帶好日澹布衣涼奈欲從王事林巒貽咲長

春陰病起

花濕鳥不囀江寒龍尚潛柴門艸無際藥竈枯頻添骨傲鄉人遠文高造物嫌撫琴不能動流水自漸漸

連三月

三月連三月東風豈憚煩勾萌分北塞群木靜南軒花盡春無力鶯啼山有言莫循修禊迹日可弄潺湲

春晴山居

水滿失灘沙雲開曳采霞晴來旋曬藥雨後急
收茶鶯坐一身柳蜂啼兩股花人言無事得多
事最山家

山行

采藥謀烹鉄山高不計程佩符真氣重荷杖曉
雲輕懸路無人上荒祠有虎行葛洪丹井在苔
護一泓清

晨起海上

到海如無地島夷從浪猜淞兵秋汛出海錯早
潮來日月懸天眼風霜減客腮欲瞻濤盡處借
立蜃樓臺

溪行

道人不結夏權此清溪陰短櫂且信宿清溪無
古今墅香從坼遠新綠冒村深鐵笛時一起驚
過水上禽

送友生北征

春風花發馬驕嘶君重幽并輕別離天外晴山
青半尺橋邊放柳碧千絲文章到處薰蘭茝弓
劍行來掃蒺藜男子壯游無反顧平平皇路識
鴻儀

晨起湖上居

紙窓清映盛湖曉窓裏宿雲溫欲飛湖鳥群呼
動高柳山鷄唱闌開矮扉春濤十里牙檣細夜

雨一園蔬甲肥自信直鈎長罷釣無魚不與素
心違

寄李孟榮

淚發英雄君未知感君相顧猶連枝鄉人鄉人
爭殺我國士國士欲讓誰心折應作朱雲檻口
多豈是羊公碑拂衣舍我西歸去風雨蘿薜孤
淒其

其二

山齋暝矣聽雨眠群葉颼颼如繁弦獨撫瘠躬
覺有冷緬懷諸友惟汝賢流俗最暗同長夜我
文之高出蒼天忽逢汝到不謂夢燒燭竟話西
窓前

寒山訪趙凡夫先生

磴仄沙滑不畏賒來求天下高人家千尋檜松
出青葢一路藥物明丹花小鳥清晝下書几老
麋碧陰牽小車高泉挂地走霹靂亂石入天爭

雲霞行至岩前見一叟烟眸含電爲雙趺

丹陽道中

裘單俠骨寒鞭冷馬蹄暮楊柳負西風掃遍丹
陽路

湖上送別

西風奮枯林潮沸盛湖晚淚眼明殘陽看君行
漸遠

鄂王墓

湖陰開鄂墓香氣滿蒿菜翁仲鵠行立鬚眉是
綠苔

寄水月庵竹堂上人

水月吾無隱松風女弗如楞嚴纔讀了又讀古
人書

讀書桃花中

赤字丹書開絳紗桃花萬樹覆簷牙紅霞四照
先生面時有青禽打落花

寶帶橋

一片春帆雜野鷗桃花隨意着芳洲洞庭山矮
太湖濶寶帶橋中水亂流

山中

松路昏昏入艸廬時來投宿一床書月高窓紙
紛然白夜半空山響木魚

西風

西風批葉灑荆門萬里瀟條山骨存到處秋雲

可登躡竟留藥臼付山村

春遊曲

日暖橫唐蕩碧流少年飽飯跨華騮羅衣飄颺
不成摺無力垂楊纏滿頭

美人肌氣馥于蘭衫受春風帶佩寬並立曲闌
私語後日沉花暝去留難

走馬胡娘十四三新華綠髮動鬢髮桃花飛片
留娘髻香汗春融杏子衫

美人面向花間出靈動梁園花外花更得春風
艷音響隔花石上奏琵琶

竹枝詞

秋香滿苑不曾過日鎖朱扉長薜蘿愁見野花
賺秋蝶未知郎意近如何

人琴

卷二

十五

林血



